

*Ps.* Dóminus vobiscum. *R.* Et cum spírítu tuo. *Ps.* Ite Missa est. *R.* Deo grátias. *Ps.* Benedícat vos omnípotens Deus, Pater, & Fílius, & Spírítus sanctus. *R.* Amen.

*Sequéntia* sancti *Evángelii* secúndum Matthæum.

*R.* Glória tibi Dómine.

**C**Um natus esset Jesus in Bétlehem Juda in diébus Heródis regis, ecce Magi ab Oriénte venérunt Jerosólymam, dicétes: Ubi est qui natus est Rex Judæórum? vídimus enim stellam ejus in Oriénte, & vénimus adoráre eum. Audiens autem Heródes rex, turbátus est, & omnis Jerosólyma cum illo. Et cóngregans omnes príncipes sacerdotum, & Scribas pópuli, sciscitabátur ab eis ubi Christus nascerétur. At illi dixerunt ei: In Bétlehem Judæ. Sic enim scriptum est per Prophétam: Et tu Bétlehem terra Juda, nequáquam mínima es in princípibus

Ju-

Juda: ex te enim éxiet dux, qui regat pópulum meum Israel. Tunc Heródes, clam vocátis Magis, diligéter dídicit ab eis tempus stellæ, quæ apparuit eis: & mittens illos in Bétlehem, dixit: Ite, & interrogáte diligéter de púero: & cum invenéritis renuntiáte mihi, ut & ego véniens adórem eum. Qui cum audissent regem, abiérunt. Et ecce stella, quam víderant in Oriénte, antecedébat eos, usque dum véniens staret supra ubi erat puer. Vidétes autem stellam gavísi sunt gáudio magno valdè. Et intrátes domum, invenérunt púerum cum María matre ejus. (*Hic genuflectitur.*) Et procidétes, adoravérunt eum. Et apértis thesáuris suis obtulerunt ei múnera, aurum, thus, & myrrham. Et responso accépto in somnis ne redirent ad Heródem per áliam viam revérsi sunt in regiõnem suam.

*R.* Deo grátias.

G. 2

AD



148 **In Nativitate Domini,**  
**AD VESPERAS.**

**Pater noster. Ave María.**

**Versus.**

**D**Eus in adiutorium meum in-  
tende. **R.** Domine ad adju-  
vandum me festina. **Gloria Patri,**  
& Filio, & Spiritui sancto. **Sicut**  
erat in principio, & nunc, & sem-  
per, & in secula seculorum Amen.  
**Alleluia.**

**Añã.** Tecum principium in die  
virtutis tuæ, in splendoribus sanc-  
torum, ex útero ante luciferum  
génui te.

**Psalmus 109.**

**D**ixit Dominus Domino meo: \*  
Sede à dextris meis.

**Donec** ponam inimicos tuos: \*  
scabellum pedum tuorum.

**Virgam** virtutis tuæ emittet Dó-  
minus ex Sion: \* dominare in mé-  
dio inimicorum tuorum.

**Tecum** principium in die virtutis  
tuæ in splendoribus sanctorum: \*  
ex útero ante luciferum génui te.

**Ju-**

**Ad Vesperas.** 149

**Juravit** Dominus, & non poeni-  
tebit eum: \* Tu es sacerdos in  
æternum secundum ordinem Mel-  
chisedech.

**Dominus** à dextris tuis, \* confrê-  
git in die iræ suæ reges.

**Judicabit** in nationibus, implêbit  
ruinas: \* conquassabit capita in ter-  
ra multorum.

**De** torrénte in via bibet: \* prop-  
terea exaltabit caput.

**Gloria Patri. Sicut** erat.

**Añã.** Tecum principium in die vir-  
tutis tuæ, in splendoribus sanctorum,  
ex útero ante luciferum gé-  
nui te.

**Añã.** Redemptiõnem misit Dómi-  
nus populo suo: mandavit in aeter-  
num testamentum suum.

**Psalmus 110.**

**C**onfitebor tibi Domine in toto  
corde meo: \* in consilio jus-  
torum, & congregatiõne.

**Magna** ópera Domini: \* exquisita  
in omnes voluntates ejus.

**G 3**

**Con-**



**C**onfessio & magnificentia opus  
ejus: \* & justitia ejus manet in sé-  
culum séculi.

**M**emóriam fecit mirábiliū suô-  
rum, miséricors & miserátor Dó-  
minus: \* escam dedit timéntibus se.

**M**emor erit in séculum testaméti  
sui: \* virtutem óperum suorum  
annuntiábit pópulo suo:

**U**t det illis hæreditatem Gentium: \*  
ópera mánuum ejus veritas, & ju-  
dícium.

**F**idélia ómnia mandáta ejus: con-  
firmáta in séculum séculi, \* facta  
in veritate & æquitáte.

**R**edemptiõnem misit pópulo  
suo: \* mandávit in ætérnum testa-  
mémentum suum.

**S**anctum & terríbile nomen ejus: \*  
inítium sapiéntiæ timor Dómini.

**I**ntelléctus bonus ómnibus facién-  
tibus eum: \* laudatio ejus manet  
in séculum séculi.

**G**lória Patri. Sicut erat.

**A**ña. Redemptiõnem misit Dómi-  
nus

nus pópulo suo: mandávit in ætér-  
num testaméntum suum.

**A**ña. Exórtum est in ténebris lu-  
men rectis corde: miséricors, &  
miserátor, & justus Dóminus.

*Psalmus 111.*

**B**eatús vir, qui timet Dómi-  
num \* in mandátis ejus vo-  
let nimis.

**P**otens in terra erit semen ejus: \*  
generatio rectórum benedicétur.

**G**lória, & divitiæ in domo ejus: \*  
& justitia ejus manet in séculum  
séculi.

**E**xórtum est in ténebris lumen  
rectis: \* miséricors, & miserátor,  
& justus.

**J**ucúndus homo qui miserétur &  
cómmodat, dispõnet sermónes suos  
in judicio: \* quia in ætérnum nõn  
commovébitur.

**I**n memória ætérna erit justus, \*  
ab auditiõne mala nõn timébit.

**P**arátum cor ejus speráre in Dómi-  
no, confirmátum est cor ejus: \*



non commovēbitur donec despiciat inimicos suos.

**D**ispersit, dedit paupéribus : justitia ejus manet in séculum séculi, \* cornu ejus exaltābitur in glória.

**P**eccātor vidēbit, & irascētur, dēntibus suis fremet & tabēscet, \* desidérium peccatōrum peribit.

**G**lória Patri. Sicut erat.

**A**ña. Exórtum est in ténebris lumen rectis corde : miséricors & miserātor, & justus Dóminus.

**A**ña. Apud Dóminum misericórdia, & copiōsa apud eum redemptio. *Psalmus 129.*

**D**E profúndis clamávi ad te Dómine : \* Dómine exáudi vocem meam:

**F**iant aures tuæ intendētes, \* in vocem deprecatiōnis meæ.

**S**i iniquitátes observáveris Dómine : \* Dómine quis sustinēbit?

**Q**uia apud te propitiatio est : \* & propter legem tuam sustinui te Dómine.

**S**ustinuit ánima mea in verbo ejus : \* sperávit ánima mea in Dómino.

**A** custódia matutína usque ad noctem, \* speret Israēl in Dómino.

**Q**uia apud Dóminum misericórdia : \* & copiōsa apud eum redemptio.

**E**t ipse rédimet Israēl, \* ex ómnibus iniquitátibus ejus.

**G**lória Patri. Sicut erat.

**A**ña. Apud Dóminum misericórdia, & copiōsa apud eum redemptio.

**A**ña. De fructu ventris tui ponam super sedem tuam.

*Psalmus 131.*

**M**emento Dómine David, \* & omnis mansuetúdinis ejus:

**S**icut jurávit Dómino, \* votum vovit Deo Jacob:

**S**i introíero in tabernáculum domus meæ, \* si ascéndero in lectum strati mei:



**S**i dēdero somnum oculis meis, \*  
& palpebris meis dormitaciōnem,  
**E**t rēquiem temporibus meis: do-  
nec invēniam locum Dōmino, \*  
tabernāculum Deo Jacob.

**E**cce audivimus eam in Ephrata: \*  
invēnimus eam in campis sylvæ.

**I**ntroibimus in tabernāculum ejus: \*  
adorābimus in loco, ubi steterunt  
pedes ejus.

**S**urge Dōmine in rēquiem tuam: \*  
tu, & arca sanctificaciōnis tuæ.

**S**acerdōtes tui induantur justī-  
tiam: \* & sancti tui exultent.

**P**ropter David servum tuum, \*  
non avērtas faciē Christi tui.

**J**uravit Dōminus David veritatem,  
& non frustrabitur eam: \* De  
fructu ventris tui ponam super se-  
dem tuam.

**S**i custodierint filii tui testamēn-  
tum meum, \* & testimōnia mea  
hæc quæ docēbo eos:

**E**t filii eōrum usque in sēculum, \*  
sedēbunt super sedem tuam.

Quo-

**Q**uoniam elēgit Dōminus Sion: \*  
elēgit eam in habitaciōnem sibi.

**H**æc rēquies mea in sēculum sēcu-  
li: \* hīc habitābo, quoniam elē-  
gi eam.

**V**iduam ejus benedicens benedi-  
cam: \* pāuperes ejus saturābo pā-  
nibus.

**S**acerdōtes ejus induam salutari: \*  
& sancti ejus exultaciōne exultā-  
bunt.

**I**lluc prodūcam cornu David, \*  
paravi lucernam Christo meo.

**I**nimicos ejus induam confusiō-  
ne: \* super ipsum autem efflore-  
bit sanctificatio mea.

**G**loria Patri. Sicut erat.

**A**ñā. De fructu ventris tui ponam  
super sedem tuam.

**Capitulum.**

*Hebr. 1.*

**M**ultifariam, multisque mo-  
dis, olim Deus loquens pā-  
tribus in Prophētis: novissimè diē-  
bus istis locutus est nobis in Fīlio,  
quem constituit hærēdem univer-



156 **In Nativitate Domini,**  
sorum, per quem fecit & secula.  
**R.** Deo gratias.

**Hymnus.**

**J**esu Redemptor omnium,  
Quem lucis ante originem  
Parem Paternae gloriae  
Pater supremus edidit.

**T**u lumen, & splendor Patris,  
Tu spes perennis omnium,  
Intende quas fundunt preces  
Tui per orbem servuli.

**M**emento, rerum Conditor,  
Nostri quod olim corporis,  
Sacrata ab alio Virginis  
Nascendo, formam sumpseris.

**T**estatur hoc praesens dies,  
Currans per anni circulum,  
Quod solus è sinu Patris  
Mundi salus adveneris.

**H**unc astra, tellus, æquora,  
Hunc omne, quod caelo subest,  
Salutis Auctorem novae  
Novo salutat canticò.

**E**t nos, beata quos sacri  
Rigavit unda sanguinis,

Na-

**Ad Vesperas.** 157

Natalis ob diem tui  
Hymni tributum solvimus.

**J**esu, tibi sit gloria,  
Qui natus es de Virgine,  
Cum Patre, & almo Spiritu,  
In sempiterna secula. Amen.

**ψ.** Notum fecit Dominus, alleluia.

**R.** Salutare suum, alleluia.

**Añ.** Hodie Christus natus est:  
hodie Salvator apparuit: hodie in  
terra canunt Angeli: lætantur Ar-  
chàngeli: hodie exultant justi, di-  
centes: Gloria in excelsis Deo, al-  
leluia.

**Canticum B. Mariæ Virginis.**

*Luca 1. c*

**M**agnificat \* anima mea Dò-  
minum:

**E**t exultavit spiritus meus \* in Deo  
salutari meo.

**Q**uia respexit humilitatem ancillae  
suae: \* ecce enim ex hoc beatam  
me dicent omnes generationes.

**Q**uia fecit mihi magna qui potens  
est: \* & sanctum nomen ejus.

**E**t



158 **In Nativitate Domini,**

**Et** misericórdia ejus à progénie in  
progénies \* tíméntibus eum.

**Fecit** poténtiam in bráchio suo : \*  
dispérsit supérbos mente cordis sui.

**Depósuit** poténtes de sede , \* &  
exaltávit húmiles.

**Esuriéntes** implêvit bonis : \* &  
dívites dimísit inánes.

**Suscêpit** Israël púerum suum , \*  
recordátus misericórdiæ suæ.

**Sicut** locútus est ad patres nos-  
tros , \* Abraham , & sémini ejus  
in sécula.

**Glória Patri.** Sicut erat.

**Añã.** Hódiè Christus natus est :  
hódiè Salvátor apparuit : hódiè in  
terra canunt Angeli, lætántur Ar-  
chángeli : hódiè exúltant justí, di-  
céntes : Glória in excélsis Deo, al-  
leluia.

**ʒ.** Dóminus vobíscum. **R.** Et cum  
spíritu tuo.

**Orêmus.**

**Oratio.**

**C**oncède quæsumus omnípo-  
tens Deus : ut nos Unigéniti  
tui

**Ad Vesperas.** 159

tui nova per carnem nativitas lí-  
beret , quos sub peccáti jugo ve-  
tústa sérvitus tenet. Per eúndem  
Dóminum nostrum Jesum Chris-  
tum Fílium tuum : qui tecum vi-  
vit & regnat in unitáte Spíritus  
sancti Deus , per ómnia sécula se-  
culórum. **R.** Amen.

**Deindè pro sancto Stephano,**  
**Añã.** Stéphanus autem plenus grá-  
tia & fortitúdine , faciêbat signa  
magna in pópulo.

**ʒ.** Glória & honóre coronásti eum  
Dómine.

**R.** Et constituísti eum super ópera  
mánuum tuárum.

**Orêmus.**

**Oratio.**

**D**A nobis , quæsumus Dómi-  
ne , imitári quod colimus,  
ut discâmus & inimicos diligere :  
quia ejus natalítia celebrâmus , qui  
novit étiam pro persecutóribus ex-  
orâre Dóminum nostrum Jesum  
Christum Fílium tuum : qui tecum  
vivit & regnat in unitáte Spíritus  
sanc-



160 In fest. S. Steph. Prot.

sancti Deus, per omnia secula seculorum. *R.* Amen.

*V.* Dominus vobiscum. *R.* Et cum spiritu tuo. *V.* Benedicamus Domino. *R.* Deo gratias. *V.* Fidelium animæ per misericordiam Dei requiescant in pace. *R.* Amen.

AD COMPLETORIUM.

Omnia ut supra 13. & sic dicitur per totas Octavas.

IN FESTO

SANCTI STEPHANI PROTOMART.

Duplex.

AD MATUTINUM.

Pater noster. Ave Mariæ. Credo.

Versus.

**D**omine labia mea aperies.  
*R.* Et os meum annuntiabit laudem tuam. *V.* Deus in adiutorium meum intende. *R.* Domine ad adjuvandum me festina.  
**G**loria Patri. Sicut erat. Alleluia.

Invitatorium. Christum natum, qui beatum hodie coronavit Stephanum, \* Venite, adoremus. Psalmus.

In fest. S. Steph. Prot. 161

mus. Venite, exultemus. 24.

Hymnus.

**D**Eus tuorum militum  
Sors, & corona, præmium,  
Laudes canentes Martyris  
Absolve nexu criminis.

**H**ic nempe mundi gaudia,  
Et blanda fraudum pabula  
Imbuta felle deputans,  
Pervenit ad Cœlestia.

**P**œnas cucurrit fortiter,  
Et sustulit viriliter,  
Fundensque pro te sanguinem,  
Æterna dona possidet.

**O**b hoc precatu supplici  
Te poscimus piissime;  
In hoc triumpho Martyris  
Dimitte noxam servulis.

**J**esu, tibi sit gloria,  
Qui natus es de Virgine,  
Cum Patre, & almo Spiritu,  
In sempiterna secula. Amen.

In primo Nocturno.

Añã. In lege Domini fuit voluntas ejus die ac nocte.

Psal-



## Psalmus 1.

**B**Eatus vir, qui non abiit in consilio impiorum, & in via peccatorum non stetit, \* & in cathedra pestilentiae non sedit:

**S**ed in lege Domini voluntas ejus: \* & in lege ejus meditabitur die ac nocte.

**E**t erit tamquam lignum, quod plantatum est secus decursus aquarum, \* quod fructum suum dabit in tempore suo:

**E**t folium ejus non defluet: \* & omnia quaecumque faciet prosperabuntur.

**N**on sic impii, non sic: \* sed tamquam pulvis, quem projicit ventus a facie terrae.

**I**deo non resurgent impii in iudicio: \* neque peccatores in concilio justorum.

**Q**uoniam novit Dominus viam justorum: \* & iter impiorum peribit.

**G**loria Patri. Sicut erat.

*Aña.*

**Aña.** In lege Domini fuit voluntas ejus die ac nocte.

**Aña.** Prædicans præceptum Domini, constitutus est in monte sancto ejus.

## Psalmus 2.

**Q**uare fremuerunt Gentes, \* & populi meditati sunt inania?

**A**stiterunt Reges terræ, & principes convenerunt in unum, \* adversus Dominum, & adversus Christum ejus.

**D**irumpamus vincula eorum: \* & projiciamus a nobis jugum ipsorum.

**Q**ui habitat in caelis iridabit eos: \* & Dominus subsannabit eos.

**T**unc loquetur ad eos in ira sua, \* & in furore suo conturbabit eos.

**E**go autem constitutus sum Rex ab eo super Sion montem sanctum ejus, \* prædicans præceptum ejus.

**D**ominus dixit ad me: \* Filius meus es tu, ego hodie genui te.

**P**ostula a me, & dabo tibi Gen-

tes



tes hæreditatem tuam, \* & possessionem tuam terminos terræ.

**R**eges eos in virga fèrrea, \* & tamquam vas figuli confringes eos.

**E**t nunc reges intelligite: \* erudimini qui iudicatis terram.

**S**ervite Domino in timòre: \* & exultate ei cum tremòre.

**A**pprehendite disciplinam, nequândò irascatur Dòminus, \* & pereatis de via justa.

**C**ùm exarserit in brevi ira ejus: \* beati omnes, qui confidunt in eo.

**G**lória Patri. *Sicut erat.*

**Añã.** Prædicans præceptum Dòmini, constitutus est in monte sancto ejus.

**Añã.** Voce mea ad Dòminum clamavi: & exaudivit me de monte sancto suo.

*Psalmus 3.*

**D**omine, quid multiplicati sunt qui tribulant me? \* multi insurgunt adversum me.

**M**ulti dicunt animæ meæ: \* Non est

est salus ipsi in Deo ejus.

**T**u autem Dòmine susceptor meus es, \* glória mea, & exaltans caput meum.

**V**oce mea ad Dòminum clamavi: \* & exaudivit me de monte sancto suo.

**E**go dormivi, & soporatus sum: \* & exurrexi, quia Dòminus suscipit me.

**N**on timèbo millia pòpuli circumdantis me: \* exurge Dòmine, saluum me fac Deus meus.

**Q**uoniam tu percussisti omnes adversantes mihi sine causa: \* dentes peccatorum contrivisti.

**D**òmini est salus: \* & super pòpulum tuum benedictio tua.

**G**lória Patri. *Sicut erat.*

**Añã.** Voce mea ad Dòminum clamavi: & exaudivit me de monte sancto suo. *v.* Glória & honore coronasti eum Dòmine. *R.* Et constituisti eum super ópera manuum tuarum. **Pater noster. Absolutio. Exaudi**

di



di Dómine Jesu Christe preces ser-  
vôrum tuôrum, & miserere nobis,  
qui cum Patre & Spírítu sancto  
vivis & regnas in sécula seculôrum.

*R.* Amen. *V.* Jube domne benedí-  
cere. *Benedictio.* Benedictiône per-  
pétua benedícat nos Pater ætérnus.  
*R.* Amen.

De Actibus Apostolôrum.

*Lectio j.* *Cap. 6.*

**I**N diêbus illis, crescênte número  
discipulôrum, factum est mur-  
mur Græcôrum advérsus Hebræos,  
eo quòd despiceréntur in ministério  
quotidiáno viduæ eôrum. Convo-  
cântes autem duódecim multitudi-  
nem discipulôrum, dixerunt: Non  
est æquum nos derelinquere verbum  
Dei, & ministrâre mensis. Consi-  
derâte ergo fratres, viros ex vobis  
boni testimonii septem, plenos Spí-  
ritu sancto & sapiéntia, quos cons-  
tituâmus super hoc opus. Nos verò  
oratióni, & ministério verbi instân-  
tes érimus. Tu autem Dómine mi-

serêre nobis. *R.* Deo grátias.

*R.* Stéphanus autem plenus grátia  
& fortitúdine, \* Facièbat prodígia  
& signa magna in pópulo. *V.* Sur-  
rexérunt quidam de Synagóga dis-  
putântes cum Stéphanó, & non  
póterant resistere sapiéntiæ, &  
spírítui qui loquebâtur. Facièbat  
prodígia & signa magna in pópulo.  
*V.* Jube domne benedícere. *Bene-  
dictio.* Unigénitus Dei Fílius nos  
benedícere, & adjuvâre dignêtur.

*R.* Amen.

*Lectio ij.*

**E**T plácuít sermo coram omni  
multitúdine. Et elegérunt  
Stéphanum, virum plenum fide  
& Spírítu sancto, & Philíppum,  
& Próchorum, & Nicánorem,  
& Timônem, & Pármenam, &  
Nicolâum advenam Antiochênum.  
Hos statuérunt ante conspéc-  
tum Apostolôrum: & orântes im-  
posuérunt eis manus. Et verbum  
Dómini crescêbat & multiplicabâ-



tur númerus discipulòrum in Jerúsalem valdè: multa étiam turba sacerdotum obedièbat fidei. Stéphanus autem plenus grátia & fortitúdine, facièbat prodígia & signa magna in pópulo. Tu autem Dómine miserère nobis. *R.* Deo grátias.

*R.* Vidèbant omnes Stéphanum, qui erant in concílio: \* Et intuebántur vultum ejus tamquam vultum Angeli stantis inter illos.

*Y.* Plenus grátia & fortitúdine facièbat prodígia & signa magna in pópulo. Et intuebántur vultum ejus tamquam vultum Angeli stantis inter illos. *Y.* Jube domne benedicere. *Benedictio.* Spíritus sancti grátia illúminet sensus & corda nostra. *R.* Amen.

*Lectio iij.*

**S**urrexérunt autem quidam de synagóga, quæ appellátur Libertinòrum, & Cyrenénsium, & Alexandrinòrum, & eòrum qui erant à Cilícia & Asia, disputántes cum

cum Stéphanò: & non póterant resistere sapiéntiæ, & spiritui, qui loquebátur. Tunc summisérunt viros, qui dicerent se audivísse eum dicentem verba blasphemíæ in Móysen & in Deum. Commovérunt itaque plebem, & senióres, & scribas: & concurréntes rapuérunt eum, & adduxérunt in concílium, & statuerunt falsos testes, qui dicerent: Homo iste non cessat loqui verba advérsus locum sanctum, & legem. Tu autem Dómine miserère nobis.

*R.* Deo grátias.

*R.* Intuens in cœlum beátus Stéphanus, vidit glóriam Dei, & ait: \* Ecce video cœlos apértos, & Fílium hóminis stantem à dextris virtútis Dei. *Y.* Cùm autem esset Stéphanus plenus Spíritu sancto, inténdens in cœlum vidit glóriam Dei, & ait: Ecce video cœlos apértos, & Fílium hóminis stantem à dextris virtútis Dei. *Glória Patri, & Fílio, & Spíritui sancto.*